

清·方略館 編

清代 方略 全書

北京圖書館出版社



清代方略全書

一六九

清·方略館編

北京圖書館出版社

清·奕訢等撰

欽定剿平捻匪方略

卷二九九——三一〇

清同治十一年（一八七二）鉛印本

欽定勦平捻匪方略卷二百九十九

戊辰年



正月二十六日 乙亥 左宗棠奏言 臣於正月二十

二日行抵獲鹿據郭寶昌稟擒獲賊目謝應俊
訊供張逆總愚有竄犯天津之意如不能竄則
挑留悍賊輕騎馳突賊供不爲無因請

飭下崇厚丁寶楨於河閒天津嚴爲扼截 臣已飭劉
松山郭寶昌確偵賊蹤從容南下 臣之此行原

求力衛畿甸稍贖縱賊入晉入直之罪現在賊
蹤漸南亦當視賊所向誓殄此賊以盡愚忱劉
松山郭寶昌喜昌等既經官文調令跟蹤漸偏
俟賊遠出北路然後進擊或前途另有大軍前
來彼此知會合力痛剿今臣既抵獲鹿自未可
拘守一隅坐待賊至惟有力顧晉省東路由西
而東督率所部遇賊卽擊以期迅殄狂氛臣軍

兵力已厚所有節次欽奉

諭旨飭臣節制已到未到各軍應請

旨仍飭各原省督撫臣及直省督臣調遣以免紛紜

至晉省東路防軍已嫌單薄而南路垣曲封門

口要隘僅撥兵三百餘名扼守萬一賊由河北

竄走豫軍已調赴保定北路勢難趕到賊前設

由懷慶關入則晉省腹地又將處處糜爛可否

飭下山西撫臣轉飭臬司陳湜如河冰漸釋應仍酌

帶所部勇丁分布防守以期周密

同日丁寶楨奏言臣初得賊竄博安之信當飭

已革總兵王心安等帶隊於正月十八日先行

取道雄縣河間探蹤追剿臣十九日亦督隊繼

進二十四日連接王心安稟報該軍於十八日

兼程行抵雄縣十九日抵任邱探知賊衆大股

在肅甯東西二關並張岡村一帶盤踞二十日
督隊由河閒取道進剿行抵河閒西南二十里
探知賊又由肅甯竄撲饒陽縣城王心安卽於
是夜拔隊行過肅甯十餘里卽見該匪邊馬亂
竄副將宋廷德帶馬隊沿途趕殺王心安自督
步勇七營分三路而進未刻行距饒陽三十餘
里岳家莊地方探悉前路三里許之魏家村有

大股盤踞王心安卽令宋延德帶馬隊巡哨自
率七營員弁分路直前猛撲時該逆正搜搶當
鋪各勇吶喊衝入槍矛並擊該匪衝出千餘騎
拌死拒敵各勇縱橫截殺斃悍賊百數十人匪
勢不支敗向西南狂奔王心安以兩營入村搜
殺自帶劉志和等追剿十二里沿途斃賊多名
奪回賊館十四處是晚探悉該匪盡踞饒陽城

內及附郭關廂王心安卽傳令四鼓進攻縣城
二十二日由尹村行距縣城十餘里該匪出馬
賊三四千人列仗拒敵宋延德帶馬隊奮力猛
衝王心安將步勇結爲圓陣繼進馬賊左右環
撲各隊以槍礮連環互擊斃賊約二百餘人賊
向縣城逃遁王心安督隊追及城下率勇登城
賊越境竄逃各勇進城將餘賊追殺殆盡卽將

縣城收復王心安入城安撫難民卽派各隊出城暫歇復行跟追旋探悉該匪仍踞菜園地方王心安令各勇追擊轟斃數十人賊蒼黃奔竄復將菜園奪回王心安乘勝分隊包抄該逆回馬衝突各隊結陣禦敵屹不少動該匪下馬格鬪又另出馬賊四面橫衝各勇回環接戰斃賊甚衆王三元劉志和金成德三營復追出二十

餘里天色已暮迷入村莊該逆以馬賊三四千
圍之各勇整隊力戰斃賊約二三百人賊捨命
猛撲直至更餘參將金成德守備劉家興力竭
陣亡三營勇丁計傷亡衝散約三四百人三更
時方至菜園會集二十三日黎明賊復麕集團
攻我軍據柵力戰至更餘賊始敗退王心安乘
夜親督各營襲剿賊營各勇大呼殺入該匪驚

亂直向西南竄逃王心安督隊追壓四十餘里
現在賊已盡向西南遠遁等情此次王心安以
三千餘人追剿兩萬餘賊孤軍深入百餘里收
復縣城後鏖戰至兩晝夜士卒皆忍飢血戰嗣
復乘夜襲擊殺獲甚衆現在該軍仍擬追剿臣
令其暫爲養息飭莫組紳一軍前進該軍再行
續發臣到河間後本擬督隊向饒陽前行因東

北一路僅臣一軍恐賊復乘虛北竄刻下該匪

疊經大創盡向西南遠竄北路稍鬆現擬調回

楊飛熊一軍至河閒扼紮臣暫駐調度俟北面

穩固再行督隊進剿王心安剿賊奮勉可否

賞還該革鎮原官頂翎陣亡之參將金成德守備劉

家興應請

飭部從優議卹其餘復城出力並陣亡文武員弁兵

勇容

臣查明分別奏請獎卹均奏入

上命軍機大臣傳諭左宗棠官文李鴻章丁寶楨李

鶴年英翰趙長齡崇厚曰擒逆竄陷饒陽經丁寶

楨派王心安帶隊進剿收復縣城該逆現向西南

逃竄丁寶楨由山東督軍北上首先奮勇派兵擊

賊獲勝保衛近畿深堪嘉尙著卽整頓師旅相機

追剿毋稍鬆勁直隸前敵各軍如劉松山郭寶昌

喜昌張曜宋慶程文炳等所部均距賊蹤不遠何以並未會合進攻僅王心安三千人孤軍深入天津槍隊練軍與東軍同在一路何以亦不會同前進是否有推諉觀望情事著官文崇厚查明具奏並著督催各軍乘勢迅速追剿以期一鼓殄除現在各路援軍雲集深慮進止不齊未能協力同心共圖埽蕩左宗棠現抵直境所有前敵追剿各軍

均著歸該大臣總統以一號令賊騎飄忽靡定現在追賊各軍並著該大臣飭各將領相機奮勦不必往返請令拘泥稽延致誤事機左宗棠未經接辦之先所有勦賊事宜仍著責成官文遵照前日諭旨責令劉松山郭寶昌喜昌張曜宋慶春壽余承恩陳國瑞程文炳等專取犄角之勢面面進攻各分隊伍更番疊戰晝夜勦襲以免耽延時日至